

פרק צז

- {א} יהוה מלך תגל הארץ ישמחו איים רבים:
- {ב} ענן וערפל סביביו צדק ומשפט מכון כסאו:
- {ג} אש לפניו תלך ותלהט סביב צריו:
- {ד} האירו ברקיו תבל ראתה ותהל הארץ:
- {ה} הרים כדונג נמסו מלפני יהוה מלפני אדון כל הארץ:
- {ו} הגידו השמים צדקו וראו כל העמים כבודו:
- {ז} יבשו כל עבדי פסל המותהללים באלילים השתחוו לו כל אלהים:
- {ח} שמעה ותשמח ציון ותגלנה בנות יהודה למען משפטיך יהוה:
- {ט} כי אתה יהוה עלינו על כל הארץ מאד נעלית על כל אלהים:
- {י} אהבי יהוה שנאו רע שמר נפשות חסידיו מיד רשעים יצילים:
- {יא} אור זרע לצדיק ולישרי לב שמחה:
- {יב} שמחו צדיקים ביהוה והודו לזכר קדשו: